

桂馨堂集

感逝詩

嘉興張廷濟叔未著

男慶榮孫

福熙較
晉變較

戴崑玉師諱宮桂字登塘嘉興縣學增廣生

新坊人丙申歲

先君子延至雙梧書屋

時廷濟年九歲侍坐案側拜受經學歷十

有六年受訓育之恩不可縷述庚申十二

月廿八日已薄暮廷濟自長興還登師之

堂喫年糕飲新釀話至更闌次年廷濟入

都門比壬戌七月歸里知師歿已經旬矣

師幼明敏長篤學博經史工詩文詞著有

新谿珠谿雙谿諸集生於乾隆十年乙丑
卒年五十六葬於新坊之■■■■里徐



廿五年恩重初終紀二申諄諄敦學行僕僕悔風
塵相屋文章舊松阡涕淚新尚書遺墨在空是勒

貞珉

先生年十二應童子試錢太傅文端公賞
之書三詩於扇以贈廷濟今鈎摹入石

吳蘭陔師諱懋政字維風海鹽縣澹浦人乾

隆庚午科舉人壬申科進士官廣東博羅

縣知縣改官處州府學教授歸里後江南
北士人請制舉業獲雋者數十百人所選

刻時文徧行宇內癸丑卒年七十六廷濟

於戊申冬執弟子禮己酉讀書八銘樓辛

亥壬子館師於嘉興東門外曹氏暢園

帖括世功令先生總不磨巖松知己重

師品廷濟之文如巖

松澗竹不入金屋繡譜度人多樓迴浮煙靄八銘樓三

玉樓而天然蒼秀面見山師自書回文對黏柱云秋園荒照薜蘿暢

樹遠山浮靄翠夜窗寒月伴鐙青近已荒蕪白頭重拜墓流涕滿山阿

胡綺園師諱延字啓元錢唐人住孩兒巷乾隆

四十四年己亥副榜貢生次年庚子舉

人邃於三禮之學而儀禮尤精貫時文奧

衍闕通於前明 國朝諸大家靡不研

悅有得而浙士人執經問業得科第者數十人廷濟執弟子禮在五十年丙午師時館於三橋址韓氏六十年乙卯冬師卒儀禮不難讀傳經尊我師名卿稱弟子小巷號孩兒記拜三橋址方余廿歲時西泠文穎在兩浙重風規

丁雙湖師諱燾字曙天錢唐人乾隆癸卯科優貢生丙午科舉人官太康知縣卓異陞同知告歸嘉慶丙子卒年五十六師詩文

華美字蹟工整服官時勤敏精到嘗為余
言案牘留滯地方受累不少故每得呈詞
宜審斷者即時喚問天明即坐堂皇讞訊
嚴冬略晚炎暑更早準情憑理不輕杖撲
官未十稔闔邑服之如神明愛之如父母
廷濟十七歲時受時文之業是年補博士
弟子員

健筆壯無敵文名冠兩湖一鳴清獨鶴百里振雙
鳬未老中州吏俄摧浙水儒落花題詠妙尊酒記

吾廬

師見和落花
詩今裝存篋

顧涑園師諱光字■錢唐人乾隆戊午科
舉人官廣州知府歲丁未廷濟與先兄泉
如淮同執弟子禮師時為紫陽書院山長
嘉慶三年戊午廷濟領解浙闈師重宴鹿
鳴

鹿洞尊耆宿文章有典型珠還傳合浦草長問元
亭華札珍頭白春風倍眼青叨陪公讌坐猶話舊
橫經

少司空吳師諱省蘭號稷堂行二松江南匯
人住鶴沙里遷郡城西門外之錢涇橋側

乾隆三年戊午五月初七日寅時生壬午
科舉人戊戌科 欽賜進士翰林院

編修官至工部左侍郎嘉慶三年戊午第
二次典浙江試以廷濟為解首訓育一十
二年不可盡述嘉慶庚午正月廿六日子
時卒於家年七十三師性情嚴峻學問宏
深入侍 禁林出操文柄矢公矢慎史
冊咸書卒之後家計蕭條琴書典盡唯聽
彝堂詩文全集及藝海珠塵鋟板尚藏其
家

知己嗟何在當年侍畫幢萬言搜藝海兩浙攬文
江巨手持金鑑寒心照玉缸白衣今未脫慙愧說
無雙

邢佺山師諱澍字雨民行一乾隆二十四年
己卯六月二十八日生甘肅直隸階州人
己亥科舉人庚戌科進士浙江長興縣知
縣陞江西南安府知府以病告歸寓居嘉
興郡城丁家橋側嘉慶二十四年己卯回
籍卒年圖圖廷濟戊午科鄉試第一名
出先生之門追隨二十二年合離不一恩

眷難名思之心甚痛矣先生少孤力學博
極羣書既服官後猶讀書以資仕蹟著有
全秦藝文志金石文字辨異長興縣志冢
宇訪碑錄兩漢希姓錄尸子孫子守雅堂
文集守雅堂詩集舊雨詩譚皆已付刊

灑涕瞻遺像雲山莽萬重可能真化鶴何處說登

龍許鄭經難問龔黃治不逢祇餘魂夢裏風雨夜

過從

戊午科鄉試先生得廷濟文卷欣賞擊節讀
桂馨一山詩至人到玉峰灣之句曰此必能

作詩者既受知謁見於武林公寓至送別於嘉興
杉青閣統計二十二年合離不一思誼難窮曾為

鐫廷濟所作五七律詩一卷而南旋詩草亦命為
之敘客禾時放棹至清儀閣與先君子譚話

桂馨堂集

感逝詩

歡若平生今皆
不可復得矣

車半林學師名向榮行二仁和人住塘西里
乾隆庚寅舉人壬子任嘉興學教諭即過
篁里與先君子定交嗣後余客郡常主
其署師亦時來余齋作數日譚聚嘉慶己
卯■月卒年七十有■師材幹精敏而性
情和易宏獎寒畯振興士習古文工駢儷
時文則善散行詩有半林吟草屬余為之
序

駕水波瀾闊斯文仗老成芙蓉唐使相

少客福公
相幕府

芹藻魯諸生春水移輕櫂秋風話短檠慰余吹曰

夢重憶淚縱橫丙子九月余喪偶師慰余句云舊事重驚吹曰夢傷心同詠弋鳧篇

此後師老病漸增希裁筆札矣

王澹庵先生諱宗桓字思正篁里人國學生

與先君子同學至契少孤露力學自奮

試棘闈屢詘不懈練事有才識賑貧乏治

橋梁輒力任之工詩歌書畫有肄雅樓集

乾隆壬子閏四月廿一日卒年五十詳嘉

定錢竹汀詹事所撰墓志中廷濟幼蒙厚

遇如自己出所遺物如趙文敏書後赤壁

賦則已登諸石

斯人今不作淚眼濕東皋書畫人知重雲天義自
高如公真長者遇我等兒曹太息鷗波筆薰香付
錦韜

外舅沈寬夫先生諱潞字鏡塘晚號蹇翁又
號桑開老人嘉善人乾隆三十年乙酉科
舉人兩試春官即懸車不出工詩文精醫
學五十九年甲寅七月七日卒是夕天大
風雨年六十八葬於沈香湖丁家柵廷濟
為先生次女之壻蒙愛特甚

不作春明夢讀書能活人謂余知帥教愛女倍情
親七夕大風雨千秋歸影神香湖酌杯酒遺淚一
霑巾

畢翁崑源名星海號萑園海鹽縣澈浦人歲
貢生著六書通既明徵士宏述之孫精熟
班史善八分書著六書通撫遺乾隆戊申
與余定交於吳氏八銘書塾辛亥壬子館
吾家雙梧書屋之南樓課從子又超上林
讓木兆相甥徐壽臧大椿今名柏讀癸丑甲
寅館余外舅嘉善沈氏觀善堂乙卯至辛

西館余同里珠溪葛氏是冬十一月十六

日卒年六十二

六書重撫拾吾重小髯公

明經貌似其祖皆美髯

金鑄八分

字樓居百尺桐袂分愁北轍書到哭西風

辛酉冬余在京

得家書知

惆悵蔣王蹟詒牋贐幾通

明經遺余王藕林蔣湘帆

與其祖既明徵士之手札十餘通

沈半桐先生名可均字師衡自號半桐居士

嘉興增廣生員住里仁鄉竹林里博極羣

書通梵唄之學詩古文沈著雄毅藏祕冊

小集八廚藏漢唐碑拓數百通精心考核

工八分書著唐隸辨五卷乾隆辛丑余年
十四赴郡中應童子試先生過寓齋見余
於時文面八分書試式二字遂導余過集
街陸蔚蒼家以二百銅錢買乙瑛韓勅兩
碑打本壬子秋至嘉慶丙辰館於其妹壻
王澹庵翁肄雅樓課孤甥福基福田讀余
昕夕過從得聞講解是春先生病癰卒年
六十三

漢法兼唐法精心寫八分佛言僧肇論鬼唱鮑家

墳

著有夜臺詩案

街肆貽名拓書樓領舊聞竹林真學究

何處拾遺文

先生有竹林村學究印

沈向齋先生半桐居士之同母弟也名可培
字養原號蒙泉晚號向齋乾隆辛卯舉於
鄉壬辰聯捷成進士第五名官江西上高
順天寶坻安肅縣知縣歷長樂源雲門駕
湖書院乾隆二年丁巳生嘉慶四年己未
卒年六十三著有星度釋略六卷稱名紀
麗四卷讀陶紀年四卷樂源問答十二卷
雲門書院志四卷夏小正注一卷東運鏡
機一卷依竹山房詩集四卷十硯齋制藝

若干篇隸法純宗漢魏畫學迫近宋元子
銘彝字紀鴻余姊之夫也廩貢生候選訓

導

把釣東洲叟

至元嘉禾志履仁鄉管里五雲歸無
三東周先生有東洲釣叟圖

處尋一官成吏隱萬卷自書淫曲水經庵地壬子
余從

吳蘭陔師讀書於郡城東門外庵地曹氏
暢園時先生設講帷太平庵過從密邇清風款

竹林

癸丑夏余留依
誰將畫者意一一喻文心已丁

九秋先生以畫法論文謂下筆須有凹凸之勢余
昔題釣叟圖云論文如山須凹凸奇峰變化幻十

洲

周翁東杠名汝珍字渭洙住篁里市中青龍

橋之北資稟過人詩文疾敏嘉興府學生
員乾隆甲辰寶文正公歲試第一補廩膳
生壬子中本省鄉試三十八名大挑官處
州遂昌訓導告歸十餘年道光庚寅八月
卒年八十五著有舞艸堂詩文集八卷

梓里掄秋榜逢君百廿年

康熙壬子吾篁里李元龍前輩中舉人至先生

發榜相去百二十年中開乾隆丙子魏松濤明府舉龍得中然魏已遷住郡城矣清芬標

白社

玉堂踵美扁陸陸冷署繼青氈風雨長安道

嘉慶六年辛酉文章下水船孫枝今擢秀好與護

遺編

鍾翁海六名駕鼇字繩祖歲貢生嘉興新坊
人遷東門外所居有金粟玉蘭齋花木蕭
疏筆硯雅潔熟精文選之學長詩歌刻有
選詩精理海六詩鈔善寫蘭嘉慶■■■年
■■■月■■■日卒年■■■

金粟玉蘭處髯公境亦仙筆花留畫本詩品說當
年選學今誰繼何甥昔自賢謂金猶餘華札在良

訊話纏綿辛酉壬戌余客京師明經書來致訊

魏翁松濤名攀龍字達君篁里人遷郡城放

鶴洲乾隆二十一年丙子科中本省鄉試

舉人作宰江西陞九江同知歸精研書籍
喜吟詠周恤里黨貧困甚至嘉慶

月日卒年八十

宦海歸與賦輕裝卸布帆哀鴻周白屋司馬濕青

衫有曾任江州司馬印秋榜年猶少京華札屢緘余客京時曾馳書幣

見記蒙青眼看提耳話喃喃

錢翁柞溪名本誠字惟寅海鹽人品學端厚

工大小楷行書老年不輟法書名畫古碑

佳帖秦漢之銅玉印英德靈璧之文石筆

慶龍尾之硯金粟福業法喜之經牋無不

研求講考而後學咨問從不作一誑語真
古之長者也道光元年辛巳八月八日已
時卒年八十六

海國推耆舊傾心感萬端論書真筆墨肅客古衣

冠惠喜牋偏富

海鹽金粟寺宋名廣惠禪院又法喜寺皆有藏經古牋翁搜購最富

羸劉印未刊春風叨末坐猶記問平安

吳兄侃叔名東發號芸父又號芸廬海鹽縣

人住澉浦鐵匠村歲貢生鐙庵孝廉文陣

之子吾師蘭陔先生之姪幼質羸弱穎悟

絕人長沈靜好學深思有得詰訓羣經能

發前之蒙滯迺移解經之學以解釋鐘鼎
古文辨形悟聲旁通曲證非世之拘守許
氏者可比詩文健舉古雋篆隸行艸俱有
古則畫山水花草妙與天游靈心獨運著
有石鼓讀羣經字攷商周文拾遺史記龜
筮傳解尊道堂詩文集嘉慶癸亥年五十
七竟以磨耗心力而卒與余交十有六年
今余每得古金未嘗不愴思之也子攷之
蚤卒孫魯山工醫學

鐵村有碩彥靜者絕紛呶能識子姬字愧同金石

交阮芸臺師與余及侃叔筆札俱用金石交長方白文印歲己未侃叔贈余詩有交稱金石愧同儕今日雲泥判不才云云
聲神追古訓耗力竟誰教喜有文孫健方書手自鈔

趙兄晉齋名魏字洛生仁和 恩貢生住寶

祐坊寶祐橋址邃於碑版之學積三千餘種有竹嶠盦碑目雖窮老不肯易於維揚搜得秦始皇時殘度尚存十有二字迂道過篁里售歸於余余八輒精舍攜李下有古頑疆每來輒憩坐其上因作八分書題其名道光乙酉六月十日午時卒年八十

石刻三千卷人知竹崦
金寒氈窮不易敝帚老逾
貪寶祐橋終住先秦器
自探丁溪船慣泊題字勒
花南

宋兄芝山名葆淳字師初
又號陔陬山西安邑人
乾隆癸卯舉人書畫俱有
古法善鑒別古金嘉慶辛
酉余館京師虎坊橋趙奉
常邸第始與定交嗣後武
林淮海流寓不一時放船
過余齋為余致尊彝敦爵
約十數器

石交聯宋迪記自虎坊橋
得酒畫逾老無錢詩自

超家依山水宅器識子姬朝信宿清儀閣當年倚
短橈

何兄夢華名元錫錢唐人精鑒經籍金石壯
歲贅於曲阜孔府手拓漢碑各通出褚千
峰車聘賢上晚卒於粵東嘉慶元年丙辰
十月^四日夜已二鼓夢華偕吳江陸直
之繩扣門索見住清儀閣出所攜漢鼎蓋
有伏地二字者又秦漢刻拓數種屬為題
識是為結交之始廿三年戊寅余於武林
得吳越忠懿王所鑄鐵舍利塔夢華為之

狂喜移書阮制軍師錄入兩浙金石志金
塗塔志下夢華愛古成癖人目之為何三
風兒而夢華亦遂以風子自號云

寒夜北風勁訪碑來扣門石林親拓手嶺嶠孰招
魂鐵塔君同禮金彝我共捫楊風子一去寶墨竟
誰論

朱兄尹村名莘字耕南桐鄉學廩膳生由川
楚例官永康訓導生平篤於行誼善詩者
酒長余二歲乾隆五十四年己酉同讀書
於澈浦吳氏八銘樓辛亥壬子同讀書於

郡城東門外庵地曹氏暢園道光四年卒

於台州黃巖縣學任所年五十九

米鹽兼筆札投款幾經年池館醉山簡

尹村家園頗有致

齋庖寒鄭虔零花空寂寞遺卷孰雕鐫回首茅庵

路晨星散曉煙

戊午之冬尹村招于馭老尤六君高虞山曹扶谷觴余於茅庵僧舍

沈兄秋塘名品蓮字根玉嘉興人住東門外

轎坊里乾隆戊申科舉人善詩文敦友誼

辛亥壬子余延吳蘭陔師於曹園廣文任

賃屋之貲相與講貫受業辛酉余同入都

門沈挑選教職補處州府學訓導己巳七

月卒年五十四

素交十九載風義友兼師庵地分書幌燕郊問酒
旗文成垂手舞學到折肱醫他日金生石祇應無
愧辭

沈弟味蔗名潮後改名應彤號疊雲又號味
蔗秋塘之弟嘉慶庚申科舉人官邵陽縣
令署商州知州告歸乾隆辛亥壬子與余
同讀書於曹園能文善書道光八年戊子
卒年五十九

廿載秦中宰歸來鬢未蒼金蘭尋舊侶石墨壁輕

裝遂作杜門計寧知夜壑藏傷心曹墅日鐙火讀
書堂

沈弟松泉名鳳洲字集英秋塘之從弟乾隆
辛亥壬子與余同讀書於曹氏暢園松泉
蓋代逸才歲科試輒冠其曹性情英邁脫
盡時蹊不遇早卒痛如之何

沈郎才不世與我契苔岑湖海一生氣文章千古
心田園難避債山水孰知音記昔憑棺痛長號淚
滿襟

馮兄華橋元熙同年石刻畫像為柳東廣文

登府賦

太息大馮杳遺容認此真如君誠老宿有子是傳
人刻石壽無量銜杯迹已陳年衰行自愴祇益淚
霑巾

顏兄受山名世球字敷祿江南婁縣人住楓
涇少任俠客京師數年乾隆壬子與余同
讀書於嘉興曹園性格英奇詩文豪放秋
試屢經薦牘未獲中雋而卒

京國倦于役尋師來小園文章須放膽鑿枘竟銜
冤忽漫萍蓬蹟衰遲涕淚痕西湖傳語後舊事復

誰論嘉慶十四年己巳受山因養病客遊武林余同篁里王心耕福田相晤於西湖僧舍受山傳語致訊此後不復得音問矣

楊兄湘帆名灃字秀漪號湘帆後改名為金號少辛乾隆己酉科舉人刻苦研經未得

一第

十上才名甚心期到 禁林幾曾賡白雪容易盡黃金雁塔名難續鴻文淚不禁陶然亭子上當日

酒同斟嘉慶辛酉九日事

沈兄秋巒半桐居士之子也名錫慶字咸中

後改名桂銑詩文妍麗真隸書俱工整尤

工篆刻石印乾隆辛丑韓城相國王文端
公科試嘉興賞其真書置第一補上舍生
員既貢成均歷遊幕府才名日盛與余訂
交垂二十年

生花君有筆兩地幾過從進牘駕湖水吹簫驚嶺
峰高文終隱豹餘事賸雕龍題字今猶在憑誰說

聽松

秋蟬客金匱時拓慧山寺李
少溫聽松二篆字題記見贈

李兄薌江同門名富孫嘉興梅會里人拔貢

生乾隆四十九年甲辰同出寶東皋先生
門下道光二十三年癸卯除夕卒年八十

耆宿東南重著書早等身昔陪通德座今哭老成人
芸葉賸新蹟梅花依舊春泮宮芹藻地那再共
逢辰

王凡禹九名鼎號鳳池住丁字溪南乾隆四
十六年辛丑入嘉興府學嘉慶五年庚申
劉文恭公錄之科試第七名補廩生道光
元年辛巳八月卒年六十六歲茂才壯遊
荆楚晚歲授經於牆東草堂楷書精整墨
蘭瀟灑今堂已易姓遺書盡散

少小同鉛槧梧齋記昔遊布帆千里夢花樹一庭

秋酉室書都散丁溪水自流牆東遺額在風雨感

高樓

牆東草堂扁海昌查他山太史真蹟

王兄際昌少府名履號琴泉禹九廩生之同

母弟余兒子邦梁之婦翁也少客姑蘇壯

遊山右博雅鑒古書學徐季海而得其神

髓道光十一年辛卯七月卒年六十九

不羈真傑士儒雅亦吾師作賦登吳苑題名到晉

祠名書傳季海博物鑒商彝

少府曾藏商彝立戈人癸尊惆悵對

山閣爭禁老淚滋

少府築對山草堂

徐瀛洲姊夫名澍號谿南老人國學生住吾

家太平橋南性孝友長詩歌有谿南老屋
詩集一卷道光十一年辛卯卒年七十五
歲詳余所撰墓誌

總角到頭白相於自古今清言數菽粟薄俗賴砭
鍼老下孤兒淚貧堅善士心谿橋來往熟一過一
霑襟

閔兄右衡名朝珍號璞巖住篁里大中橋北
乾隆五十二年丁未朱文正公歲試補嘉
興縣學弟子刻苦勵學乙卯六月七日卒
年三十二歲有五雋居詩二卷

仲叔今何在詩存五雋居傳家種嘉樹有子讀遺
書不改清門舊長嗟宿草餘過從一茶話感愴意
何如

奚弟印維名大綬號繡紫又號秋生嘉善人
乾隆戊子生歲貢生象樞之子資稟穎異
過人九歲讀三都賦三日能背誦默寫甲
辰北平黃崑圃學士之後人見滄觀察符
綵由內翰出守嘉興試覆第三次大綬與
嘉興曹言純張廷濟石門李堯峰同至後
堂文賦之外命題蘇書馬券帖命大綬與

曹張各成七言古詩一篇黃擊賞再三賓
從共傳讀之丙午補府學附生丁未補增
生戊申補廩生三應秋試皆薦而不中家
貧為楚中遊所與皆知名士為詩文援筆
率多哀怨之音甲寅三月二十日卯時卒
年二十有七無子著有紅豆山莊詩文集
二十六卷湘江吟稿二卷楚遊記略一卷
楚遊雜記一卷

才大何無命臨風恨不消記陪何遜閣翻弔伍胥
潮奇氣收三楚高文攬六朝幾吟紅豆集真歎阿

木
龍超

金兄金粟名光烈字佑人嘉興縣人住九里
亭長余三歲自乾隆四十六年辛丑至嘉
慶三年戊午過試時輒晤聚譚藝不厭而
戊午鄉試同一號舍每一藝成易觀共賞
己未正月送余北行猶索余鄉試彙本題
記其後正月廿七日以痰疾卒於平湖縣
署年三十五時縣令李許齋方伯賡芸為
之經紀其喪且出貲以刻其詩焉是年九
月望日余作長歌哭之庚申十月余書其

東湖秋泛圖後言之亦甚詳

落花成夙讖仙骨果離奇

乙巳之春邀余賦落花詩君詩擅場余戲呼為

金落花然今日思之竟成詩讖云

同翦三條燭偕吟五字詩客途

驅馬日幕府蓋棺時回憶船輕泊攀條話別離

葛兄春嶼名嵩字振華行三國學生篁里北

三里許珠谿人篤行誼工詩文刻有晚晴

閣詩與余交垂三十年朋輩中之最真切

者道光元年三月十一日卒年六十九歲

篁里珠谿路盈盈一水通祥金兼樂石苦雨又淒

風不少言歡處偏多涕淚中卅年成一夢何處哭

途窮

葛兄杖陂名雄圖字書勲行五春嶼之弟嘉
興縣學生員苦心勵學四十九歲中風疾
不仁者數年嘉慶十六年七月十三日卒
年五十二歲

月射書齋客

杖陂讀書之室

鴻文寫壯觀如何終豹隱竟

未遂鵬搏古寺梧桐冷

讀書精嚴寺梧桐房

秋山松竹寒讀書

吳山火德廟西爽閣就課敷文書院

半人憐幾載硬語尚空盤

沈兄素忱名圖菜號白齋又號丹林余婦淑
卿之長兄也嘉善學歲貢生性情疏爽熟

於史事詩文援筆立就善醫能世其學嘉
慶二十年乙亥卒年六十九

擺盡酸寒習逸情對碧虛自傳和緩學慣讀馬班
書手可千金散甯能幾輩儲空堂猶是亦

是亦堂
係外太

舅老
屋

草色滿庭除

沈兄春圃名懷茶號古香嘉善學增廣生員

余婦之仲兄也性雅潔善詞賦年四十後
由東門外敦仁堂老屋遷居慈雲寺街嘉
慶十八年九月廿七日卒年五十九

窗草盆魚際蕭閑興未闌翦鐙方酒陣倦繡亦詩

壇

二嫂唐為棠溪明經女為喜鑪香續還嗟硯雨

寒

春園無子初嗣兄素忱所出之第九子名同壽而殤繼又以恪曾嗣既入學成婚夫婦相繼而

喪

慈雲舊時月曾照淚痕乾癸亥之秋余留慈雲書室數日每晚小飲

後輒偕春圃父子寺街翫月

沈兄穀原名寶蔡號訥庵嘉善學附生員余

婦之第三兄也喜吟詠有東園小草嘉慶

年 月 日卒年四十三以兄素

忱所出之第八子惠曾為嗣

難盡悲歡處思君眼再枯聯吟東園集送別北延

圖

己未正月余赴禮部試訥庵送余至吳門遠道出陳白陽所寫贈素永之北征圖為贈

情親厚

辛酉之秋余在京師家中傳有水厄之耗兄於數十日中來余家十數次以慰問其

妹

長年苦病俱十三經重勘遺墨未模糊

外舅藏有汲古

閣所刻十三經注疏真初印本已經三世校勘君復加檢點有數萬餘字惜今殘闕不全

唐兄民獻名彭壽號錢亭嘉善西塘里人余

外伯舅沈礪齋先生之仲壻也唐為華川

舊士族兄之先十九世為學官弟子而不

得一第其尊人棠溪翁早年歲貢生應順

天鄉試兩中副榜貢生兄性長厚窮老授

經住沈氏敦仁堂對門晚年遷居故里道

光九年■月■日卒年六十八

痛下唐衢淚華川苦繫思古心漢泉范

嘉慶丙辰之春兄為

訪得漢五銖泉范面背俱全者余因購致為鑒古家所未經見

清話宋軍持

兄藏有餅

山酒務瓶索余作古軍持齋扁

貧病龍存骨沈霾豹隱皮雙棺猶

淺土

姨姊夫人先兄亡

此事遲心知

魏半石孝廉為棠溪翁弟子極敦行詣此

葬事當力與謀之存此句以志毋忘

陸兄直之名繩號古愚吳江人住蘆墟朗夫

大中丞之子長身玉立風貌翩翩善八分

書買宅嘉興郡中花倉里聚金石法書名

畫於切問齋高朋率盈座上嘉慶元年丙

辰十月 日夜已二鼓同何夢華來清儀

閣道古累日官山左巨嘉主簿數年假歸
復晤於花倉故宅為余題鐘鼎款識之後
庚辰之春得風病劇廬於東沽中丞墓側
余往問之則形容幾不可辨識廳事之左
其子之棺停焉而書籍零落四壁蕭條為
之泣然久之尋卒

廉吏可為否重逢淚欲彈無家唯傍墓有子未埋

棺石闕碑難語

直之鐫名蹟數十石累砌如幢
唯重摹詛楚文則安置庭右銅

幢字易殘

來余齋時攜視唐天
寶年塗金銅佛

款門真似昨誰話

北風寒

張秋樵三弟名慶盛字嵩三平湖人孝友端
重出自性生嘉慶戊午與余同舉於鄉己
未辛酉壬戌舟車南北行住與俱氣誼之
密不啻同母兄弟歷宰順天

■諸縣廉明慈愛大吏上於

朝

召對溫綸

恩榮異數道光癸巳五月

乞歸六月病卒年六十子四以詩文索余
勘定

卅載從頭數天涯幾弟兄思親同下淚作吏獨成
名剩把高文讀偏教惡夢驚當湖雲渺渺一過一

傷情

陳兄鹿革

舊誼新端重雲歸無處尋溪山憑示掌文字劇論
心羞作貂裘敝磨將鳳硯深刺揮知己淚點墨比
兼金

錢兄寄坤名以發字含章行四海鹽人住南
門內觀音堂前柞溪翁本誠之子善研辨
書畫金石文字兼工篆刻為人重然諾篤

桂馨堂集

感逝詩

葛

友誼乾隆六十年乙卯四月十五日余於
海塘漁舍買得漢永寧元年六月十九日
淳于氏作奉在立之全甌持至文魚兄石
鼓亭中始與寄坤相識計四十二年中往
復道古不可殫述道光丙申年七十八月
中余猶屬受之姪辛持玉旌帖以請賞詎
知九月五日竟作故人耶

四十年前日交論石鼓亭無端頭盡白相對眼俱
青帖辨晉中令甌摹漢永寧從今誰共話那不淚
珠零

蔣兄賴書名邦英號芸圃行四青浦人長余
二歲乾隆五十七年壬子余延漱浦吳蘭
陔先生於嘉興東門外庵地曹氏暢園賴
書來同肄學後賃居嘉善魏家巷魏氏錫
類堂余詣訪數次此後絕不通音問道光
庚子八月楓涇王韻樓攜賴老遺圖索詩
云賴老以廩貢生署徐州學官數年前故
有弟無子有二子一他出不知所之一死
無孫有女韻樓之叔母今年五十二

愁說暢園地流光如水波祇驚前夢了轉益淚痕

多可有鑪香續誰傳老硯磨無端圖畫認漬墨一
悲歌

廖兄燮臣名羹梅號竹友行一長余一歲由
閩縣隸籍平湖住乍浦國學生乾隆壬子
同讀書於嘉興東門外庵地曹氏暢園刻
苦為舉子業試於鄉凡十六次道光十三
年癸巳二月卒年六十七子一字台二名
泰符家已中落余昔時數嘯詠於其家對
山齋閣今已屬他氏矣其壻曹淡秋名正
定行
七乙未科賃居丁字溪南觀話頗悉庚子
九月
副榜貢生

三 日

忽漫逢君壻深譚劇痛心淚枯和氏璧橐盡孔家
金庵墅書同讀山樓酒共斟更無遺伴在重話舊
題襟當曹園同讀書時顏敷祿朱尹村蔣穎書廖
變臣沈味蔗沈松泉與余共七人今無一人
存者余昔作感逝詩蔣廖二友俱以未悉身後之
事故未有作今俱從其壻家之言聯得成此二律
是亦一緣也
可感可感

錢兄順甫

故人不可作宗伯有文孫筆勢梅花屋章摹若水

軒吳橋聽夜雨竹里款柴門妙墨今空對枝枝濕
淚痕

高弟與衆名壇錢唐人少余二歲書筆秀媚
學唐王居士輒塔銘甚力嘉慶十四年己
巳余客京師於孫氏百一山房與孫古雲
均錢同人侗方鐵珊廷瑚吳梅梁傑六人
同修蘭譜去年余至武林相晤喜其年政
七十已誕曾孫因製聯句以贈別纔匝月
遽傳凶問茲其子佩生攜其所書冊索題

成此

庚子八
月六日

別久忽相見霜毛各滿顛何圖一餉話竟了卅年
緣地問老梅古夾老住梅東高橋書傳活筆鐫最難家學
舊才子嗣神仙

朱弟椒堂名為弼字右甫行一平湖人嘉慶
乙丑進士官至總漕詩文雄富朋輩罕匹
考證鐘鼎文字援據經傳悉有根柢向佐
儀徵相國師成積古齋鐘鼎彝器款識
近又有續輯數卷去年秋冬自京都連貽
余二書索及近作春初余報章至則仙遊
已十有四日矣年六十子建卿名善旂

道光戊子順天舉人子良名善驥乙未順

天舉人

庚子九月五日

滿擬公歸日論文共析疑何期酬簡到已後蓋棺
時劉晏籌醕粟王俅集鼎彝心交今有幾含淚遲
靈旗

汪兄雨人名能肅山陰人嘉善教諭

纔作半年別嗟成隔世人文章追正始風雨黯鳴
晨有子原能讀無田那療貧驚蛇飛鳥蹟一對一
霑巾

王弟谷香名蘭生余 繼祖母之族子也與

余氣誼篤遂兄視余能詩善小楷書嘗貽
余曹秋岳侍郎與其高祖雲生先生士龍
手札十通又詩牋三幅且訂他日礪石以
付硬筆乾隆癸丑余家建繼祖母節孝
坊於丁字谿南之騎塘寺每過谷香之門
即挈與俱行連吟分詠約三四旬次年甲
寅以痘歿於郡城雙谿橋張氏學舍年纔

冠

東匯名家子

谷香住谿南之東匯

君真有國香分牋珍倦圃

題句共騎塘玉樹欽風調丹經駐老蒼

朱竹垞太史與其高

祖雲生先生詩云琅邪風調舊知名未老抽簪樂
事并三徑重開機李宅一官曾蒞刺桐城篋中定
寫丹經在鏡裏何曾白髮生六十看來同四十駐
顏況有月波清云云案詩係曝書亭集外之作而
字蹟爽豁魂不返愁過朗山堂扁為曹侍
郎手書

葛弟見巖名激幼孤性至孝嗜吟詠善鑒別
書畫與余為比鄰至契過從譚話時至夜
分嘉慶九年甲子春嘔血卒年三十五無
子存有谿陽詩屋彙

有母不終養孤兒喚奈何家貧心力短命盡血痕
多春草庭空長秋鐙字未磨

見巖有秋
鐙課讀圖

谿陽詩屋

冷當日共高歌

文魚兄名燕昌字芭堂手有魚文因號文魚
又號金粟山人海鹽人祖居大樹村與篁
里近傳是同族而譜系不可考乾隆丁酉
科優貢生嘉慶丙辰薦舉孝廉方正甲戌
卒年七十七生平篤於行誼善八分飛白
行楷書工畫蘭著有金石契飛白書錄石
鼓文釋存子一孫四能世其學

獨有昂藏鶴風姿似列仙論文金石契話舊孝廉
船妙繪滋蘭畹新詩詠竹田

贈余篁里
詩四章

書香留種

子猶喜後人賢

郭弟紳垂名丹墀小名敏童海鹽縣學生員
住海沙場吳蘭陔師之外孫乾隆己酉與
余同讀書於吳氏八銘堂資稟穎敏過人
嘉慶八年癸亥八月十六日溺水死年

子一名翼清字志元

一目數行下郭公卷軸羅學承齋曰種門壯海沙
波丹旆風霜苦青衫涕淚多元康輒一角嗚咽忍

重磨

紳垂贈余元康二年殘輒已琢為研

馮年姪柳東名登府嘉興梅里人寧波教授
矛浙劍炊裏恩恩不當歸哀成庾信賦淚滿老萊

衣有母年八十餘書策嗟何在所刻書版被夷匪摧為薪蓬壺夢蚤非
哭君今兩世那不重吁歎

王生萬青名震後改名選號青士禹九廩生
之子也當禹翁遊楚時家貧其母陸藉鍼
繡以給饘粥生從余讀久穎悟好學熟春
秋經傳為文有根柢嘉慶五年庚申縣府
院試皆第一時學使者劉文恭公郡守伊
耐國師邑令司可亭皆以遠到期之丙子
八月赴省試得疾歸十八日卒年三十六
無子其配范通研詩禮

太息王生杳高文不再論遺經三傳熟老屋一燈

昏生讀書破樓與余家隔一溪書聲長至夜分幾

下劉蕡淚難招屈子魂可憐才似海只得小三元

王生孟將同篁里人名溥少穎敏乾隆五十

九年甲寅補嘉興府學生員年纔十一從

余讀書於八甌精舍道光八年己丑卒年

四十六歲

蚤吐虹蜺氣經年問字來誰知賦薄命竟困不凡

才媚學書千卷澆愁酒一杯松筠廬徑冷春雨長

莓苔

王生容甫名涵溥之弟嘉慶二年丁巳從余
為儀禮之學性穎敏而質極端慤後以家
貧就市然詠吟不輟來余齋亦仍密道光

二年壬午卒年



歲無子

今昔經三巳

嘉慶丁巳巳道光癸巳 如一夢時端容殊出

衆病骨竟難支縱有中郎女終無伯道兒風晨兼
雨夕猶記汝尋師

莊生來儀秀水人名梧鳴號鄂五嘉慶十二

年丁卯與朱友九山曹友渭厓來從余學
同讀書於清儀閣執弟子禮甚恭舉優行

貢生中本省鄉試己卯科舉人學有根柢
設教武林從遊者衆而獲雋者數十人道
光三年癸未十二月十二日寅時卒生於
乾隆四十七年壬寅正月一日年四十二
歲子燾

弟子君誠職丁年記舊盟文壇開鷺嶺官閣話羊
城生長於其祖胥園先生粵東方伯任所定卜鵬搏遠何期蝶夢驚
知心今有幾誰共數生平

沈生位三名廷槐行一秀水人十四歲補學
官弟子嘉慶十七年壬申來從余學廿四

年己卯月日卒年歲

襖被來篁里長年苦用功誤書研馬豕雅學注魚

蟲

生深於小學

硯破青鐙裏窗寒苦雨中幾番憑弔處

愁對白頭翁

生故後余至郡猶主其家與其父典葬談接真如白首弟昆今典葬又物

故矣
痛痛

沈子幼清名恪曾余婦之第七姪也穎敏異

常兒細書整而秀五七言律詩得溫李神

味嘉慶二年丁巳來從余讀補嘉善縣學

生員嘉慶丙寅年月日卒年二十

七歲

長爪龐眉客翩翩後樹花憶逢童子試來佳小姑
家骨相冲天鶴年光赴壑蛇幾行題字在哀怨落
秋笳余曾集吳梅村王漁洋徐健庵諸家所贈吳
漢槎詩詞二卷為秋笳餘韻幼清題七律於
後甚工麗

嶼深從兄名潮號中孚行一國子監生乾隆
十八年三月廿八日■時生嘉慶廿五年
六月十六日亥時卒年六十八歲一生謙
和好善丙午乙卯甲子數歉歲吾父饑
粟於里兄皆竭力以助卒之日室中聞異
香焉子上林

阿兄真長者善下望逾尊只有培陰德從無出惡
言閒來仙弈筭兄善弈歸去佛香存飛旄茫茫路窮
簷灑淚痕

桐山從兄名淮字泉如晚號太平黎民行三

乾隆二十三年戊寅七月二十日丑時生

長余十歲丙申同讀書於雙梧書屋甲辰

同補嘉興縣學生員丁未同執經於武林

胡綺園師顧涑園師兩門下壬子同讀書

於郡城東門外

兄在太平庵從沈向齋進士余在曹氏暢園從吳蘭

陔師兄詩文宏邈楷書法頗平原丙午庚戌

竇文正公案試皆一等丙午鄉闈薦卷餘
事寫墨蘭花離披瀟灑尤饒韻致道光二
年壬午六月十三日申時卒年六十五子
元桂魁梧福慶

十載音容邈心傷雁斷行文章才不偶甘苦話偏
長蘭草千莖秀槐花幾度忙兄於壬申年繪踏黃圖雙梧凋
夜雨愁過授經堂

逢原從兄名灝號蓬園又號叔開行四例貢
生乾隆廿六年辛巳五月廿八日戌時生
事吾伯母顧太孺人極孝每以事他出閱

四五日必過歸省視而再往以畢其事嘉
慶十七年壬申居母喪過哀成疾十八年
癸酉五月廿五日巳時卒年五十三道光
十年庚寅 大憲具題其孝奉 旨褒

旌兄才識精卓里中泉族中公事任勞任
怨必得當而後已好登臨攬古甲寅之春
至焦山親拓瘞鶴銘以歸壬申之夏集朋
舊詣淨相寺為構李之會聯吟成冊子兆

枌

哭盡孤兒血真終孝子身揮財成善舉餘事作詩

入漬墨因文古飛觴為果珍春暉堂不恙

春暉草堂扁劉

文清公所書迴憶總悲辛

德容胞兄名沈號仲緩行二乾隆二十九年

甲申九月廿一日亥時生國學生試不獲

雋遂棄去刻苦治生累致千金嘉慶十四

年己巳四月初七日卒年四十六性耆書

畫尤工篆刻有淳雅堂石印譜

痛我兄無祿逢余下第時

是時余客京邸

死生千里夢風

雨卅年思刻石猶盈篋攻文記下帷憑棺餘一哭

爭不淚如絲

季勤胞弟名沅字楚白國學生道光二十七年丁未五月十七日未時故年七十八歲
吾弟有見識有志氣善持家省儉一世而苦了一世嗚呼痛哉弟精力遠倍於吾乃以去年夏陡起吐血病日衰一日而竟不起吾今長為無弟之人矣痛痛

七十八年伴何曾哭得完明知相見近總苦割情
難無復同扶杖翻成看蓋棺從今風雨夜姜被永孤寒

讓木從子名兆枏國學生道光十八年戊戌

十二月十二日丑時身故年五十四余同
祖兄逢原之子兄歿於嘉慶十八年年五
十三兄有至性吾伯母顧歿於嘉慶十七
年年八十三兄悲苦成疾讓木為請得

旌嗚呼吾讓木其竟死乎年五十四未
甚老也有田數頃未極貧也有子二非無
告也病之始甚微非不治也奚以死鬱能
致疾憂能傷生其以是乎

竟了一身世憑棺吾眼枯空存金石

姪藏商周
雨漢葬器

及石刻
和本

誰問舊觴壺

姪嗜
酒

病自因愁劇迂難共俗

俱幾揮垂死淚母老與孫孤

隆吉胞姪名邦棟行三胞弟季勤之子嘉慶
五年庚申閏四月十六日午時生風貌英
邁穎悟能文應童試有名譽攻文致療廿
二年丁丑九月廿一日戌時卒年十八歲
著花臺吟草四卷聘徐聞變衰毀而殞

失却階前五疊華一現時鬢凋我亦老魂去爾何
之蝶幻他生夢鵲啼連理枝依依如昨日愁詠舊

裁詩

甲子之春余曾
賦詩四章與之

子鶴胞姪名邦樞字中之行四吾胞弟季勤

之第三子也十九歲補嘉興縣學官弟子
旋補廩膳生凡歲科小試皆優等姚伯昂
學使元之則以無雙士目之鄉試膺薦二
次俱已入彀以額贏遭遺四書文有根柢
詩格雄健詞句清麗尤長於駢偶文道光
十九年己亥正月十八日喪母氏哀甚神
瘁子桂生病疽三年八月三日故十二月
十四日女三寶又以猝病故十六日天微
明氣頓喘不出聲遂歿年三十九有時文
詩賦詞若干篇將次付刊所箋注吳穀人

祭酒有正味齋集彙未全已得十之七八
失母兼兒女傷心并一年祇應腸已斷那得命能
全詩卷自留世此生休問天萬般難料事佗日話
重泉

寶成胞姪名邦幹余胞弟季勤之第八子邦
棟之弟也嘉慶十六年辛未三月十六日
辰時生聰慧好學道光八年戊子五月十
七日午時故年十八歲有詩文數十篇俱
清楚可觀

最稚憐猶子幼書亦復佳癡心期遠到淚眼竟重

木齋集
三
指荆樹愁封篋蘭枝痛萎階零星餘幾紙黏壁尚
清齋

姪孫載之名曰烜同祖先逢原四兄之長孫
讓木姪之長子以與父祖同己歲生故又
字小同長身玉立聰穎過人年八歲時余
付一友人千金之券其人以醉失去小同
知其人必於某地登舟徑率僕人攜燈火
向某瀕水處搜得券已半濕矣余謂此兒
長必有用材也比長詩文之外兼善設色
花果一涉筆神采如生亦妙解絲竹管絃

且精篆刻嘗手製一石印奉余如出老成
入手體質羸弱道光十四年正月廿二日
亥時病瘵而卒年廿六有遠峰閣詩文彙
同隱書屋印存半野堂畫景金石小補諸
書子一名世壩

夙具成人慧丹山望振翰如何三里霧竟殞一枝
蘭琴向牀前寂華從紙上寒傷心留片石老眼怕
重看

桂生姪孫子鶴只此子年十一已讀四子書
易書詩禮四經能屬對能作五七言詩成

詩且速道光十七年丁酉春初時疽發於
腰病三載瘦損骨立閒坐牀褥觀畫冊自
遣遂能寫山水花果亦有天趣十九年己
亥八月三日殤年十三

病骨磨三載無功問藥鑪誰知悲賈鵬即為喪揚
烏癡望金環識徒嗟玉樹枯想當逢汝父哭倒在
泉途

三寶姪孫女子鶴只此女頗聰慧桂生既殤
猶謂藉以稍遣也道光十九年己亥十二
月十二日從舅母家冒風邪歸十四日殤

年九歲閱一日而子鶴卒三寶尸猶在牀
一女亦難保真如苦命何殞身催阿父新鬼覓親
哥直是生前劫俄興意外波人間可哀事若此更
無過